

OBRAZLOŽENJE

Odluka je donešena u skladu sa važećim zakonskim propisima tj:

- Zakonom o budžetima u Federaciji Bosne i Hercegovine („Službene novine Federacije BiH“ broj: 19/06),
- Zakonom o dugu, zaduživanju i garancijama u Federaciji Bosne i Hercegovine („ Službene novine Federacije BiH“ broj: 86/07),
- Zakonom o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06),
- Statutom Općine Goražde („Službene novine BPK- a“ broj: 13/07).

Ovom Odlukom odobrava se dugoročno kreditno zaduženje Općine Goražde u maksimalnom iznosu od 1.000.000,00 KM za realizaciju započelih i finansiranje novih kapitalnih investicija u 2010. godini.

U članu 2. predložene Odluke su navedeni Projekti koji bi se realizovali iz dugoročnog kreditnog zaduženja, kao i potreban iznos novčanih sredstava.

Iz tabelarnog pregleda koji je sastavni dio ovoga obrazloženja, navedeno je:

- ukupna vrijednost po svakom pojedinom projektu,
- koliko je realizovano po pojedinom projektu u 2008. godini i 2009. godini, kao i
- kratko obrazloženje za svaki projekat, a u skladu sa planiranim sredstvima.

Isto tako u članu 3. Odluke o kreditnom zaduženju definisani su uslovi kreditnog zaduženja tj:

- maksimalan iznos kredita 1.000.000,00 KM
- rok otplate kredita 3 godine
- grace period 6 mjeseci
- uz najpovoljniju kamatnu stopu (4%; 5%; 6% ili 7%), zavisno od uslova koji se obezbjeđe putem najpovoljnije banke ili iz revolving sredstava koja su bila u opticaju u 2009. godini preko Razvojne banke FBiH a na osnovu Odluke Vlade Federacije BiH o upravljanju revolving fondovima po Projektima „Lokalna inicijativa „ i „Lokalni razvoj“ pa je očekivati da će biti u opticaju i u 2010. godini.

Ovu Odluku potrebno je donijeti kako bi se mogli isfinansirati i realizovati ranije započeti projekti, kao i projekti koji su planirani u Nacrtu Budžeta za 2010. godinu.

Služba za finansije, privredu i MZ
